

白水縣鄉土志

第一期

原12431

00765

坐落氣候

羽自尚

冠婚喪祭

歲時

物產

陶器

礦產

藥材

木屬

草屬



菓屬

蔬類

毛之屬

花之屬

羽之屬

虫之屬

介之屬

方言

# 白水坐落氣候

白水在陝西省東北距省城二百八十里介陝中道之北  
鄙地連北山溝多原少雖溪流交錯而谷深岸狹灌田仍  
難縣治至臨川鋪與蒲接界僅十里北至洛川界七  
十里東至洛河西至蒲界各四十里節候惟縣左  
右較蒲雖遲尚差不遠迤北則直差半月有餘播

種收穫麥之期他處種麥則在秋社以後白邑大  
致以白露為期他處收穫多在芒種以前此處在  
夏至居多若秋田則差池更甚蒲富臨渭諸邑每  
年恆收雨三次不等白邑收麥後種秋或稍愆期  
即有不熟之虞恆年前留地俟來春二三月播種  
土人謂之老秋麥後種者謂之回揮回揮收成每不

可必多以老秋為主、全境陵谷錯雜、溝壑間阻、直前  
無廿里之平、村落半傍岸而居、故行車之處較  
行馱之處為數少焉、

### 習尚

白邑地瘠民貧、業農者多、風俗純厚、民生不見外事、  
惟好勇俠氣、往往因言語齟齬、開毆訟庭、荒業

耗財在所不恤、亦强悍之一班也。土著均有地、故雖多

寡不等、無田者、總居少數、故人富於德、故土性不樂

出外營生、重農貴粟、雖詩書之家、亦耕讀等事

兼鮮有事

不知稼穡者、即偶爾營商、不過本土城鎮藉其  
便利、其在外處者、直屬晨星寥寥耳。

兄弟無後、義當立嗣、然必昭穆親屬無人、始能

議立異姓間有不達宗派大義惟愛是與家資既厚  
致起親屬競爭議論沸騰致涉訟庭終年不解  
再醮之婦聘金比閨女不啻十倍擇婚自主父母  
不甚干涉署立婚約及媒合之人令只書名畫押乃  
保無語母家親屬使錢若干謂之認娘家錢若婆  
家親屬無入以其緣由苦况呈署立案亦可無事



婦女出嫁一二年內收麥後父母必迎而勞之謂  
之歌夏

### 冠婚喪祭

婚嫁尚早禮節簡畧男子自十五至二十衣食稍  
有之家未有不娶者其不娶者大抵皆日求升

合力不能備聘金然有禮有親者十之八九其因門

祚衰薄不與為婚者亦什百中之一二也。女子自十五至  
十七八未有不嫁者。其粧奩不備布裙荊釵人亦不  
之議也。嫁娶日亦不親迎。命四人或八人抬一花轎。  
偕三四從人或以大車同往。命之曰搬取嫁裝歸。  
父引子拜祖宗。行告廟禮。次拜父兄親族。行加冠禮。父  
飲子以酒。子不飲。以酒埒地。於是命僮二人或一人引

壻出迎至門外，姑丈或姊丈牽馬以待。壻向三揖，飲壻以酒，接盃埒地，然後上馬迎婦。至錢行之酒棹前，下馬，同僮向錢者三揖，嗣至花轎前，同僮向之三揖。女家兄弟以紅帛披壻肩，謂之搭紅，再三揖。即折身歸，俟於門內。然後娘家婆家各有婦女一人，婆家曰接壻婦，娘家曰扶女客，同扶新人出轎。

至門外主人响以爆竹新人入門後壻引婦至庭同拜  
天地及拜祖宗再次行交拜禮畢送新人入房午兩  
親家行告奠禮仍先天地後祖宗後致敬月老畢  
賓客就席

女客就席令新婦上座至晚親賓午與壻婦相  
若者至壻婦房令夫婦舉盞交酌誼諱猜謎名

曰開房次日新婦拜見舅姑及諸尊長親屬越三日備禮與壻同至母家謂之回門

喪致其哀人情所同然以風俗異宜或不無大同小異邑人遇父母歿孝子服衰披麻寢苫柩側謂之坐草

貧富皆同非富貴家主人不示吊期戚友流水致吊主人量給白布或甥壻輩給以孝衣謂之散孝葬

期從速、三五日殯殮、冠服材木、稱家有無木、以柏為貴、  
講究三寸餘木、雖厚如之不重也、二三七即行出殯、  
夏尸易壞、不能候者、先期埋葬、特不封築、謂之  
偷葬、至日纔行封築、接待賓朋、葬期緩至一  
月外者、殊少、權厝不葬者、更屬絕無、僅有出殯  
日親朋畢至、酒席款待、富家能搭棚廠、剪做

紙扎人馬樓台、帷幄器俱、加以音樂戲劇、再延  
禮生宿儒點主、鄉人謂之大過期、年而祭、再期  
仍祭、禫祭必以三年、喪服必以三年而除、或伯  
父母之喪服亦如之、

喪葬擇地一節、亦不甚苛、只就已地定擇、其  
有不向他處尋覓地師到地畧為指示方向、即

下鋪鑊大致附先塋者多先塋無地始覓新穴既定築土為堆旁植以柏樹碣者亦屬寥寥然亦非絕無也

## 歲時

臘月除夕同支親屬大小長幼羣至先祀向祖宗行禮謂之迎神異日元旦黎明致祭畢羣飲



分胙而散、

正月元旦家家門首帖門神對聯、門額懸帖黃  
表、餘各門均有門神、表額、無對聯、惟天地灶神土  
神中雷神前、仍有之、先晚尊長率身幼吉服祭  
拜天地祖宗、謂之迎神、是日夙興、响爆竹、仍祭拜天  
地祖宗畢、以次拜父兄、出拜師長親族、

雞鳴以燈掛門首云接天神。

祭祖先拜尊者畢，羣飲分胙，名拜神子。

初二三等日，持蒸餅分途出門，向舅家岳家或分

尊之親屬家拜年。過初五日，雖仍拜年，不鮮也。

初五日謂之五窮，即早以爆竹從廚房响至大門外。

云打窮氣。日午各家均食扁食，云填窮窟窿。忌

出門謂之破五

初七日謂之人日或出門未回者於是日定歸謂之全魂  
十五日用麩為饅頭雞至晚大門懸燈籠一各神前房  
內點多數燭旁置麩雞數枚云看燈雞不知取所  
何義小兒於十四日晚挑燈籠至十六日晚始已

二十三日婦女羣聚開紙牌竟日諺云初一十五

二十三、太上老君不出菴，故婦女各閒一日。

二月二日謂龍抬頭節，是日不作女工，恐傷龍目。

三月三日謂踏青節，遊人成羣結隊，至郊外閒

遊，謂之踏青。

清明日家家祭掃墳墓，以紙錢金銀箔編鏢，再以冷麩食物致祭。先塋婦女作鞦韆戲。

五月五日以角黍相遺飲雄黃酒門首揮艾以帚  
作圓形曰搐搐又為橢圓長形上繫以艾謂之艾牌  
小男女以五色線纏手腕繫搐搐胸掛艾牌過端陽節  
六月六日出書籍衣服晒之謂虫不啣云是日作醬不出  
虫

七月七日夕女子以豌豆殖芽長尺五六寸謂之巧

茅並陳設瓜菓穿針乞巧。

八月十五日以月餅相遺謂為送節高僧以月餅時菓獻財神一般玩月是日忌陰雨諺云八月十五雲遮月來年元宵燈燒雪。

九月九日登高蒸糕餅送女家。

十二月初八日煮臘八粥鄉党互相餽遺。

二十三日祀灶神、用糖餅饌饌。

物產

物產無珍奇、足充方物、五穀而外、若陶器、若礦產、

若草之可資以供藥材、木之可取以作器用、

菓蔬蔬菜之可以佐飲食、皆宜考而詳記、茲

就其土性所宜而藉以為生活者、第錄於左、

黍乾高葉大似蘆心實可四五尺二三月種八九月熟  
亦不多種或種少許不過特以剝穗為作條除  
之需得實或作畜料或以燒酒從無以之碾米  
者鄉人呼為稻黍

糜子似黍而小穗舒散夏種秋熟類凡數十有  
酒糜飯糜二種有黑白紅黃紫灰各色有露仁



矮人馬尾黑穀草粒鵝鴿蛋滿天星野雞紅豬  
矢黑等名色以其早熟荒年後人多種之

穀穗攢簇成條似馬鞭有丹黃黑白四色軟硬二  
種軟可釀酒硬可炊飯邑人種此多亞於麥食  
亦與麥相埒所以秋田視此較他穀為尤要云

稻白邑地處高原水地絕少近時沿河亦有種者

麥邑人既不種稻不食大米日食以麥為主土人亦視收  
獲播種較他穀為重要大致種地一項者即種麥  
七八十畝遇收麥時各行停業書房下學商賈全  
一二人任肆看門餘各盡力農畝俟麥登倉箱復理  
他業麥有大小二種大麥比小麥芒長粒粗用途不如  
小麥之廣種亦百分之一二小麥獨呼曰麥大麥則

必係一大字。麥色白者曰白麥，紅者曰紅麥，無芒者曰  
和尚麥。早熟者有三月黃麥。凡作饅饅、饅頭、湯  
丸、糍餅、餛飩、扁食、餅、餃、水引，皆用之。鄉人稱為鍋  
規、蒸饅、香糕、餃子者也。

幹

蕎麥入伏種，暮秋熟。紫幹、白花，芳香。龍人結為  
三稜黑膏，麪可作食物，以機軸壓為細麪，名曰

活樂味甚香美他縣間亦有之形味均不及此處  
之佳可稱吾陝特產

玉麥狀似蘆荻而內實葉亦似蘆苗高三四尺穗

出稍頭開花不實從幹端葉際別出苞如稷魚

形苞頭出白鬚滑如紅絨久則苞拆子出粒如芡

實有黑白黃紅數色俗名包穀鄉民亦不甚

種近時河邊客民多有種者

豆亦有多種有黑白黃褐青斑等色均可作  
腐然出量成分到處以黃白為優白邑近十  
數年來驗得黑豆作腐出量成分色味俱在  
黃白之上故作腐能用黑豆無有用黃白者不  
過作時須磨去豆皮費此一番手續耳黑豆亦

可入藥。又有黑小豆、赤小豆、綠豆。豆性涼，能煮飯除熱，亦可作粉。有白豌豆，可和煮米粥，亦可作粉。諸畜賴之。有曰豇豆，花有紅、白二種，莢有紅、白、紫、赤、斑駁數色，長約七八寸許，子微曲如人腎形，有曰扁豆，莖葉花俱小，每莢子僅二，其形扁小，故名扁豆，可為粉及炊飯粥。有曰刀豆，莢長如劍，其形如刀，與豇豆皆常作蔬。

可入藥。又有黑小豆、赤小豆、綠豆。豆性涼，能煮飯除熱，亦可作粉。有白豌豆，可和煮米粥，亦可作粉。諸畜賴之。有曰豇豆，花有紅白二種，莢有紅白紫赤斑駁數色，長約七八寸許，子微曲如人腎形，有曰扁豆，莖葉花俱小，每莢子僅二，其形扁小，故名扁豆，可為粉及炊飯粥。有曰刀豆，莢長如劍，其形如刀，與豇豆皆常作蔬。

芝麻春種秋熟子色白、莖方有四稜六稜不等、可榨  
油能調和菜、鄉人稱為香油、

麻子有實者為苴、無實者為菜、可剝麻俗謂之  
花麻子、可榨油、

華麻春種秋熟、枝大葉肥、粒大於豆、青斑色、可  
榨油、不甚堪食、



菜子即蔓青、秋種夏熟、葉根皆可食、子可榨油、堪佐  
食品、點燈亦佳、故人多種之、

棉縣西北鄉不能種、東南鄉雖種亦不多、每家  
各種少許、取棉紡紗、用子榨油、

## 陶器

縣西河有碗窰、縣東文化河有甕窰、南乾耳村

有砂器窑縣西河近亦有之土人以農間工作販賣  
以助生計、

## 礦產

縣西河及西鄉杜家河東鄉馮雷庄東固村數  
處均有煤炭井井深三四百尺在西河西鄉者較  
淺取之足供炊爨兼資販運近以人工昂貴往往

利未興而空先至故井口較前為少云西河南河有  
石灰漢積東固有石磴科田家河有石膏或土人  
開採或外人販運均小民藉為生活者也

碌磚石槽石諸科均東固溝特產光緒三年  
前採者頗多三年後人少財乏限於財力無問  
之者惟砌石鐵工需用冬月或有少數土人販運

至省城各處亦不甚多、緣無資本擴充積儲、  
使之遠售也、

然鑿<sup>緣</sup>出東張家河為銅工所必需、為蒲民竊取、

土人憚於財力亦不深究、

銀礦出阿文村牛仙洞與蒲連界、明末停採後、

無再問及者、

鐵礦或稱牛仙洞鐵牛河鐵苗甚旺以不知開採  
之法不能舉辦

縣西河邑人挖煤得一質內含金光外面非常黃  
亮審之非銅非金無識之者後有遊東學生

認為流化鐵質

化學所家寶貴是否不審附錄之以俟查核

# 藥材

白邑山谷叢雜藥材尤富有丹參、沙參、紫參、玄參、  
山查、益母、茵陳、車前、栝樓、知母、款冬、麻黃、牽牛、  
黃精、荊芥、柴胡、葛根、天南星、大力子、赤石脂、兔絲、  
天門冬、遠志、黃芩、蒼朮、防風、酸棗仁、甘遂、芫花、桔梗、  
秦艽、地骨皮、萹草、玉不留、皆可販易他處。

草屬

葦俗呼為羽子、長丈許、狀似竹、而葉抱莖、有空心、  
實心兩種、空者可作席、實者可織箔、苜蓿蓬  
蒿處有之、

木屬

柏廟宇墳垣多植之、有數種、葉圓者曰圓柏、扁

者曰扁柏、其結子者曰栝柏、邑所植者、栝柏居多、  
桐有數種、五六月開白花而結子者曰白桐、一種  
葉尖小者不花、

槐、邑處處有之、六七月開黃花、秋後結子、鄉民  
好植門前、至有九十數圍者、

柳有檉柳、杞柳、蒲柳、之別、枝堅韌、可屈為



斗其近水生而枝悠揚者曰楊柳有青白兩種

榆類甚多白者曰粉先葉後莢有先生圓莢者俗謂之榆錢味辛香可食

楸梓皮白無子葉大於桑至秋垂條如線其疎理而生花結實者曰梓

椿有數種一種木理葉俱紫色味香可作菜曰

香椿一種木色白而堅實為作器之良材葉亦可作菜曰白椿一種葉臭皮粗肌理不直俗謂之臭椿中虛易腐即樗也莊子所謂擁腫不中繩墨者極即是耳

皂角枝幹多刺葉似槐而尖瘦莢長近尺可

供洗衣之用

青剛亦楊木也、可供棟宇之需、

桑有數種曰烏桑、葉厚、大可飼蠶、一種葉薄、生  
芽較遲、不結甚、俗謂之花桑、又一種葉小而厚、亦  
不結甚、謂之棗桑、處處有之、

此外雜木、四鄉溝澗頗多、然不足供房屋器  
用之需、故雖有如無、

# 菓屬

杏生而佳者殊少一經截接實即大而味又美仁亦甘可生食仍有生而仁即甘者俗名甜胡亦千百中之一二苦仁有毒食之者死以滾水沸數煎再以冷水浸之方可食或醃作菹

桃初實有毛亦可接之使大其小者曰山桃味

不佳佳曰水桃皮薄味甘或曰即鸚鵡桃含桃不審是否  
梨有多種有大梨以色赤耐久存白露後摘卸能藏  
至春二三月曰銀梨熟時色黃似幽梨味甚香美易  
壞不能久存曰確梨較他種為最大有重十餘兩者  
似同州香椿梨曰雞腿梨以形似雞腿皮薄味甘皆以  
杜梨接成杜梨即郁李詩所謂有杖之杜者實小

色赤味酸澀不堪食鄉人植之特備接梨之用

柿亦有數種曰四盤曰牛星方柿平平鄉人呼為鏡面惟此一種味佳耐久至二三月間食之更美又極小者

曰雛柿亦曰火蛋各種四鄉皆有出縣東北鄉者更佳鄉民去皮晒乾謂之柿餅藏之甕中自能潮生

白霜然後販運出賣他處先年各鄉柿餅為邑

入款大宗，近以兵燹屢遭，各處柿樹摧殘，所留無幾，  
柿餅雖有，蓋亦鮮矣。

小柿曰軟棗，木類柿，而葉長實小，黑而圓如指，大味  
甘甜，木可接柿，柿皆由接而成，非生而即為某柿  
某柿者也。

柰子形似紅菓而尖圓，熟時色白，皮厚不甚可食。

以木能接林檎、紅菓、蘋菓等菓，故人多植之。

紅菓實似柰大而圓，熟時色紅，芳香撲鼻，可特玩，以其食之不如聞之香也，故又曰聞香菓。

林檎春二三月開粉紅花，實扁圓形，七八月熟，有紅黃各色，味香甜，以香能來禽，故曰林檎。沙菓花紅，均即此菓，或因地而異名耳。



蘋菓花實俱似紅菓熟時少紅多白光潔可愛味較  
紅菓為甘近時此種絕少聞閩賊亂時貴人供給鄉民  
不堪其累將樹砍伐無遺

棗子肉鬆而甜七八月熟可生食亦可煮熟食之詩云  
八月剝棗是也邑所在多有然出產不多又有一種曰酸  
棗叢生道旁實小而圓有酸甜兩種仁可入藥

核桃亦名胡桃在山後者居多別處亦不多見  
梅子即李子也縣地無梅鄉人稱李為梅云  
石榴五月開花有酸甜兩種

### 蔬類

辣子一名辣椒亦名秦椒花白實紅

花椒 韭 蔥 蒜 蘆葦 蔓青 一名蕪青

亦名諸葛菜。即詩所謂葍也。子可榨油。其用甚廣。  
白菜即菘菜也。凌冬晚凋。有菘揉馬。故又謂之晚菘。  
芥菜似菘。有毛。味辛烈。入伏種。秋後熟。大頭菜亦其  
類也。

蘿蔔有赤白兩種。可掩作菹。胡蘿蔔有黃赤兩種。  
蒿苳有數種。有赤者。白者。苦者。又有蒿筍。可調羹作菹。

茄子有紫白二色、茄蓮間亦有之、不如他處之大且佳、  
又有野蔬數種、苜蓿、薺、菜馬、蜀苳、灰條之屬、皆  
民間所常餐者、

蔬之屬有西瓜、甜瓜、菜瓜、黃瓜、南瓜、東瓜、諸名較  
他處均稍遲、

壺蘆亦有數種、有長柄者、有頭大尾小、可作瓢者、

又有藥葫蘆雞蛋葫蘆有一種可作菜者

### 毛之屬

馬牛驢騾羊及犬貓家所常畜在野則有狐狸

狼兔黃鼠黃腰鹿麋之屬

### 花之屬

牡丹芍藥萱草蜀葵秋葵俗名向日葵菊

玫瑰薔薇石竹玉簪雞冠刺藤似玫瑰而無香竹  
家園中多有植者

## 羽之屬

雞鴨亦家常畜在野則有山雞野雞出縣北山  
慈烏鵲鴿班鳩鳴鳩乾鵲燕子黃雀麻雀雀黃  
鸚鵡鷹鷂之屬所在皆有

虫之属

蠶蟲鄉民飼者甚多，惟抽絲不得法，故所得絲不佳。

餘有數種，惟蜜蜂人多飼之。守宮俗名蝎虎，蜈蚣

俗名由延，蛇蝎，蜘蛛，蚯蚓，蝴蝶，蝶，蠅，蚊，蠛，蠊，蟻，蝙蝠，蝦

蟆，蜚，蝗，蠹，蟲，魚，蟬，蛾，蝸，牛，螻，蛄，蟋，蟀。

介之属

縣西河有小魚長一二寸不堪食鼈石鱗所在小  
河多有之土人亦不食

### 方言

稱父曰達、稱母曰嫛、祖曰爺、祖母曰婆、稱伯母曰  
姥、姥、男子無行者呼為不成丁、象、女子出頭  
露面者夜叉



水滾曰尖、說話曰言喘、圪喇言不順理也、厭棄不耐  
曰頗煩、憎惡曰眼黑、廝打曰打捶、山脊為梁亦  
為、山之相連、峯起曰圪塔、

小豬曰豬娃、再大曰客婁、曰可郎、大豬曰壯貨、

土坯曰胡基、人相得曰對、謂事可亦曰對、

事不就、緒曰麻搭、言不清爽曰然、溪

冒昧直前曰掙安無知妄作曰孽孫

呼聰明為靈稱愚魯曰昧

星星點點些須之詞  
委委札札觀小之謂

中華民國



十三年一月

日